



وفی ۳۰ جوز ۱۳۲۸ سنه

پازار ایرتسی فی ۲۸ شعبان ۱۳۳۰

|| جمعیت علمیه اسلامیہ نك ناشر افکاریدر ||

مدیر مشول	سر محرر :	صاحب امتیاز :
مکتب قضاة معاملہ نندن	فاتح مجیز درس معاملہ نندن	فاتح مجیز درس معاملہ نندن
کلینلی	توقادلی	نصوح افندی زاده
منیر	مصطفی صبری	مصطفی عاصم

مندرجات

قسم تاریخی	تاریخ اسلام	محمد توفیق	نظر شرعده انقلاب
طاہر المولوی		خیرالدین	دوقتور دوزی بی رد
قسم ادبی	چلہ عشق	محمد عاطف	مدنیت شرعیہ
شوکت غوثی	توحیددن برلمہ	محمد توفیق	سورۃ یوسف
ناظم		احمد نجاتی	علمادن بررجا
متفرقه	اجمال سیاسی		
...			

اعلان

نسخہ سی ۱ غروش

آبونه اجرتی (پوستہ اجرتیلہ برابردر)

مالک اجنبیہ ایچون :
۱۳,۰۰ فرانک
» ۶,۵۰

استانبول ولایات ایچون :
بر سنہ لکی ۵۰ غروش
آلتی ایلی ۲۵ »

درج اولنیان اوراق اعاده ایدلر

قارئلر مزہ

اکثر مقالہ آیات کریمہ واحادیث نبویہ درج ایدلش بولندیفی نظر اعتبارہ آلنہرق رعایتسز لکده بولنلماسی رجا اولنور .

مطبعہ [توسیع طباعت] باب عالی قارشوسنده عدلیہ خانی نومرو ۱۹

مدنیت شرعیہ ، ترقیات دینیہ

(ابوینک وظائف و تربیہ اطفال)

ابوینک اولادہ قارشى اجمالاً وظائفى شونلردر : اولادك
حال صغیرندہ فقہ ، كسوة ، سكناى و هر دلو عوارض
مضره دن ممكن مرتبه حمايه وصيائى ، حدتيزه بلوغندہ تربيه
و تعليمى ، حد بلوغه وصولندہ تزويجى ابوین اوزرينه
واجبدر .

اجله علماء اسلاميه دن (امام غزالی) حضرتلری (احیاء
العلوم) نام کتاب عالیرنده دیورکه : نظر شریتمندہ تربیہ
اطفال اهم امور دندر .

چونکہ اولاد ابوین عنسدندہ من طرف الله امانت و
و دیهمدر . ایلک فطرتندہ قلبی هر نوع شیدن طاهر و هر
نقش و صورتدن عاری و ساده بر جوهره نفیسہ درکه خیر
و شردن هر نوع شکل و صورتی قبوله و هر دلو لون ایله
تلونه مستند و مائلدر .

جناب فخر کائنات افندمن بیورمشلردرکه : (کل
مولود یولد علی الفطره و اما ابواء یهودانه او نصرانه او
یمجسانه = هر چوجق دین مبین اسلامی قبوله متبی بر
جبلیت سلیمه اوزره تولد ایدر . انحق ابوینی یهودی
تربیه سی و یرره رک یهودی ، نصرانی تربیه سی القا ایدرک
نصرانی ، مجوسی تربیه سی ایقاع ایدرکده مجوسی قیلار).

بو حدیث شریفک مقتضای وجه اوزره اگر ابوینی
خیری معتاد ایتدیرر و امور حسنه تی تعلیم و تربیه ایلرسه
چوجق خیر و صلاح اوزره نشأت ایلوب دنیا و آخرندہ
سعادت عظمايه نائل اولور .

اخذ ایلش اولدینی معلومات صحیحه و تربیه کامله مقدا
بلندہ چوجق مثاب و مأجور اوله جنی کبی ابوینی ، معلم
و مربی سی دخی او ثوابده مشارک اولورلر .

یوق اگر ابوینی بانی بوش حیوانلرکی صالور و روبده
چوجقک تربیه سنده قصور ایدر ، شروفق و سفاهتی

اعتیاد ایتدیرر سه بالضروره اوچوجق شقاوت و فسق
و سفاهت اوزره نشأت ایدوب هم دنیا و هم آخرندہ
دوچار هلاک اولور .

چوجقک اعتیاد ایدینش اولدینی تربیه سزک و اخلا-
فسزلک وزر و کنسای ابوینی و طریق شره مشوقلری
اوزرینه عائددر .

ایشته بونک ایچون سورہ تحریمده بیورمشلردرکه :
(یا ایها الذین آمنوا قوا انفسکم و اهلیکم نارا = ای ناس
معاصی تی ترک ایدوب خیر و طاعت ایشلمکله نفسکزی ،
شرور و معاصیدن نهی و خیراتی امر ایتمکله ده اهل و اولادیکزی
نار جحیمدن حفظ و وقایه ایدیکز) .

جناب فخر کائنات افندمن بیورمشلردر : (و علموهم
و ادبوهم فانهم عندکم عوان و امانه = ای ناس اهل و
اولادیکزه دینی و دنیایه عائد علوم نافعہ تعلیم ایدیکز
و کوزل صورتندہ تربیه و یریکز . چونکه آنلر سزک
عنیدیکزه امانتدر) .

صحابه کرامدن ابی سلیمان حضرتلری (یارسول الله
للولد علینا حق کحتناعلیهم = یارسول الله بزم اولاد اوزرندہ
حققز اولدینی کبی آنلرکده بزم اوزریمزده حققلری
وارمیدر) دیه سوال ایلدیکزی زمان جناب پیغمبر دیشان
افندمن بیورمشلردرکه : (نعم حق الولد علی الوالدان ان
یعلمه الکتابه و السباحه و الرمی و ان یؤدبه = اوت اولادک
دخی ابوینی اوزرندہ حق و ادردر . چوجقک ابوینی اوزرندہ که
حق یازی یازمق ، صوده یوزمک ، اوق و قنک آتقلنی
تعلیم ایلک و یرده کوزل صورتندہ تأدیب و تربیه ایتمکدر) .

و دیگر بر حدیث شریفده بیورمشلردرکه : (علموا
اولادکم السباحه و الرمی و المرأة للغزل = ای ناس اولادیکزه
صوده یوزمک ، اوق و قنک آتقی تعلیم ایدیکز ، قادیترله
وقیز اولادیکزه ده ایپ و ایلک اکبرمک اوکره دیکز) .
بناء علیه پدر و والدہ چوجقنی دنیا و آخرندہ

وسكره اللرى بىقامى . بىكە باشلار كى (بسم الله الرحمن الرحيم) دىتك ، لقمىنى سايغ اليه المى . قالك كندىسىنى ولى ايدىن طرفىدىن بىك . بىوكاردن اول بىكە باشلامىقى . آج كوزلى كى بىكە شىدله نظر ايتمهك . كندىسيله بىنلارك لقمىسىنه دقت ايتمهك . بىكە سرعت كوسترمەك . لقمىلرى توالى ايتدىرمەك . لقمىنى اىي چكەنبوب دىرى دىرى يوتماقى . چوق بىكە آلبىدىرمەقى . وچوق بىك مضر اولدىقندن بحث ايتمهك . برابر چوق بىنلارى ذم وتعبىب و آنلارى بهامه تشبیه ايتك . آژ بىك فوئىدىن بحث ايتمهك . برابر آژ بىنلارى مدح و ثنا ايتك .

ثانياً — عظالتة آلتشامق ايچون ديانست بدنيہنى وبعض كونار مشى و حركىتى اعتياد ايتدىرملى .

ثالثاً — بر مجلسده اوزورمغه دائر تربيه اوكرتملى : مجلسده بولنان كىسهلره آرقىسىنى چويرمكدن اياقلىرى اوزاتمق . برى برى اوزرىنه قويقدن . بر كىسهك ياشنده توكورمكدن . سوكورمكدن . بورنى آيىقلامق . وچكەمكدن . آقصرمقدن . آغزىنى آجه آجه اسنەمكدن منع ايتلى .

برده كندىدن بىوكە قىيام ايتك . بر كوسترمك . برى سوز سويلر كى حسن صورتله استماع ايتك . سوزى كىسهك وچوق سوز سويلمەك شاعر و آداب انسانىدن اولدىقى اوعاتم اولملى .

رابعاً — چوقق اىي فندان سىجەكە باشلايچە مەكتەپ كوندرمىلى .

چوقق اول امرده تربيه دينيه و برلى . بىغفران عظام حضراتك سىروشنائى ، كبر او علماء امتك احوال و مناقب اوكرتملى .

قرآن كريم و اجالا اصول و فروع دينيه تعليم ابدلى كە ايتك نشونما حالنده ايكن قلىنده دين جليل اسلام انتقاش وار تمام ايتتى و نفسنده انبيا و سلاحيه ميل و محبت ير طومش اولسون .

ضاللت و هلاكه واقع اولقدن صبات ايدوب هرچەتدن سعادت احوالى تامينه چاليشمق لازم و واجبدر .

بوتك باشلوجه طريق چوچى اخلاق رد يدەن تهذيب و تطهير . فضائل اخلاقى و مزاياى انسانىهنى تعليم ايدرك كوزل صورتده تأديب و تربيه ايتلى .

فنا كىسهلر ايله اختلافدن . تمنى اعتياددن . زىت و اسباب سفاخته ميل و عجبدين تنفير و محاببت ايتدىرملى . چونكه بويله شيره آلبىسىره بويودىكى زمان فضائل و كمالات انسانىدن اولمان هوائى و بويوده شيلرى استحصال اوغرىده عمرى افنا و اشاعه ايدەرك دنيا و آخرتده دوچار هلاك اولور .

شوالله ابوينى طوغدىق زماندن اعتباراً چوچەك تربيه سەنەك درجه اهمام ايتك و هر حال و شائى دائماً مراقبه بولدىرمق لازمدر .

بويابده اول — سود بىنەسندن باشلاملى . چوچى مدين ، صالح ، حلال لقمە اكل ايلين بر قادين امزىرملى اخلاقىز . حياىز . فاجر فاسق و سفیه اولان و حرام لقمە اكل ايلين قادينار اصلا امزىرمەلى : چونكه چوچەك نشوونماى طبایع سفیه اربابندن اولان قادينلارك سودندن حصوله كلنجە طبيعتى خيبت و مردار سوددن بوغورولور ، طبيعتى امش اولدىبى سودده . سودينده متعركز اولان خباثت طبيعىه . اخلاق رد يه ميل ايلوب انك طبيعتده اولان هر نوع شر و فسق و سفاخته مستعد اولهرق نشأت ايدر .

بوکا بناءً دىملر دركه (الرضاع ولادة ثانية) . ايشته زماغزده اكتر ناسك شرير . فاسق و سفیه اولسناك ناشيچە منشأ و سببى بودر .

چوچق سن تميزه واصل اولنجه ابوينى آلك حال و شائى دها زياده مراقبه بولدىرملى . بويابده اول — بىكە مائد تربيه سندن باشلاملى .

بىك خصوصنده تربيه شو وجهله و برلى : بىكدن اول

خاصاً — کندیلرینی ظریف و نازک زعم ایلدکلری
حاله اصلاً تربیه دینه لری بولمیان و فسق و فجور ایله
مألوف اولان ادبا و ظرفا طاقی ایله کورشمکدن و عشق
وسوادی ، ذم و قدحی متضمن اولان اشعاری اوقومقدن
حفظ و صیانت ایتملی که ایلک نشو و نما حالده ایکن
اوصاف قلبنده فسق و سفاهت و اخلاقسزلی تخم لری صاجیلوب
دیکلمش اولماسون .

سادسا — مکتب بورغونلغی جیقوب ذهنی استراحت
ایتمک ایجهون مکتبدن کادیکی زمان شرعاً حرام اولمیان
اوپون اوشماق اوزره اذن و یرملی . و فقط اوپونده
یورولاجق درجهده اشتغال ایتدیرلملی . چوجنی دائماً
تعلیم ایله اشتغال ایتدیرمک بک مضر در . ذکاسنی ابطال
و قلبنی امانه ایدر .

سابعاً — چوجقدن بر خلق جمیل و فعل عدوح
ظهور ایلدیک صورتده اکا اکرام ایتملی . فرح و سرورینی
ایجاب ایدمک مکافاده بولملی ، ناس اوده سندده مدح
و ثنا ایتملی .

چوجقدن احیاناً خلاف ادب برشی ظهور ایدرسه
ایوبی و مریمی آدن تفاقده بولملی ، کشف و اظهاره
قاقتهماملی . چونکه عیب و قباحتی اظهار ایدیله جک
اولورسه چوجفک قناله جسارتی آرتار . بوندن بویله
ایشله مش اولدینی قناله کشف و اظهار اولنسنه اهمیت
و یرمز ، مبالات کوسترمز فقط بر فعل قبیحی ایکنجی
دفعه اولرق ایشلیه جک اولورسه کیزلیجه آتی تکدیر
وردها ایشلمکدن شدله منع و تهدید ایتملی .

پدری چوجق اوزرنده سوزینک تأثیرینی محافظه ایتملی
هر زمان چوجنی عتاب ایدوب طورماملی . زیرا چوق
سوز ایشیده ایشیده عارسز اولوب سوزدن متأثر المامغه
باشلار . والدمسی پدرندن قورقوتملی قسایح و عیوبدن
منع و زجر ایتملی

ثامناً — ابونینک مالک اولدینی برشی ایله یاخود کیدیک

الیسه ، یدیک یکن و یاخود بشقه برشی ایله اقراندن برینه
اقتخار ایتمکدن منع ایتملی . کوروشوب قونوشدینی هر
شخصه تواضع ، احترام ، تلطیف و التفات ایتمک و کوزل
سوزلی ، طاتی دبللی اولنی اعتیاد ایتدیرملی ، بیوک
و کوچک کیمسدن برشی آلمقدن منع ایتمکله برابر رفعت
و شرافت آلمقه اولمایوب اعطا ایتمکده بولندینی ، آملق
حست و ذنات اولدینی تعلیم اولملی .

برده چوجق ناز و نمرورقاهه آلدیرلاملی ، آلتون
و کوشه میل و محبت و یرلاملی و شرافت و مزیت انسانیه
بولر ایله اولمایوب انجق علم و کمال و فضل و هنر ایله اولدینی
تفهیم اولملی .

مابعدی وار

اسکلی

محمد عاطف

سوره جلیله یوسف علیه السلامده

فلسفه سیاسی

مابعد

فرعه متوجه اولورسه قوه نامیه سنی اسراف ایتمک
اولور و حیاتی توکدیر

اکلاشیلورکه (نما) متساویاً هم صله همده فرعه متوجه اولیدر
اصله متوجه اولورسه ذات شجره و قدر تهله که به مرض
قالیوب یلکیز غایه اولان ثمرات وجود بولماقوله منفعت
خللدار اولورسده هر حالده برعملیه فیه ایله تعدیل قوا
و تقسیم (نما) به احتیاج تحقق ایدر

علم حیات نباتات متخصصاری (قوه نامیه) نک حد اعتدالی
غائب ایتدیک اکلایشیلدیفنده شجره نک بادالاری ویا کوکلرینی
کسره نک اعتدالی محافظه ایتمک لزومی علم مذکورده اساس
اولرق قبول ایتشدر

حکومت و ملت برشجره خلقتک اصلیه فرعی مقامنده

تمثل ایدر